

# ერთად გავიხსენოთ 2016 წლის „მაიფუნოზები“

გასული 2016 წელი ქართული პოლიტიკისათვის და არა მხოლოდ პოლიტიკისათვის, საკმაოდ მრავალფეროვანი და დაძაბული იყო. ყველაზე მთავარი პოლიტიკური მოვლენა ალბათ საპარლამენტო არჩევნები და „ქართული ოცნების“ საკონსტიტუციო უმრავლესობით ხელისუფლებაში დარჩენაა. თუმცა, ყველაზე მტკივნეული მაინც ლარის რეკორდული გაუფასურებაა, რომელიც საქართველოს მოსახლეობა 2017 წელს ეგებება.

ოქტომბრის საპარლამენტო არჩევნები საკმაოდ მოულოდნელი შედეგებით დასრულდა. მართალია „ქართული ოცნების“ გამარჯვებას ექსპერტები ვარაუდობდნენ, თუმცა არა საკონსტიტუციო უმრავლესობით. უფრო მეტიც, დავით თარხან-მოურავის და ირმა ინაშვილის „პატრიოტთა ალიანსის“ მესამე ძალად შესვლას პოლიტიკური ცივი უზაპის ეფექტი ჰქონდა ყველასთვის. კიდევ უფრო მოულოდნელი იყო ის ჯაჭვური რეაქცია, რაც არჩევნებში დამარცხებამ გამოიწვია პოლიტიკურ ოპოზიციაში - ირაკლი ალასანია და მისი თანამებრძოლები პოლიტიკიდან საერთოდ წავიდნენ, პარლამენტის ყოფილმა თავმჯდომარემ დავით უსუფაშვილმა „რესპუბლიკური პარტია“ დატოვა და პოლიტიკური ტაიმ-აუტი აიღო, ხოლო „ერთიანი ნაციონალური მოძრაობა“ ლამის დაშლის ზღვარზე დგას - ყოფილ სახელისუფლებო პარტიაში ჯერ დავა იმაზე დაიწყო, უნდა შესულიყვნენ თუ არა პარლამენტში, ხოლო შემდეგ იმაზე გაგრძელდა - უნდა დარჩეს თუ არა პარტიის თავმჯდომარის პოზიცია ვაკანტური მიხეილ სააკაშვილისთვის. ამ საკითხებზე პარტიის შიგნით ატეხილი დავიდაბრება, 2017 წლის თავისტიკვილდაც დარჩება.

გასული წლის ყველაზე მნიშვნელოვანი ეკონომიკური მოვლენა კი, რომელიც ამავე დროს ყველაზე მტკივნეულიცაა, ლარის რეკორდული დეველუაციაა. დოლართან მიმართებაში ჩვენი ეროვნული ვალუტა ისტორიულ მინიმუმამდე დაცა და გასცდა კიდევ. თუმცა, მთავრობის მტკიცებით მაინც ყველაფერი კარგადაა და ლარის ასეთი გაუფასურება გარე ფაქტორების ბრალია და მთავ-



რობის ეკონომიკური თუ საფინანსო-საბიუჯეტო პოლიტიკა არაფერ შუაშია. უფრო მეტიც - ხელისუფლების ეკონომიკური პოლიტიკა რომ წარმატებულია, ამის დასადასტურებლად ყოფილმა ეკონომიკის მინისტრმა, ამჟამად ფინანსთა მინისტრად დამტკიცებულმა დიმიტრი ქუმსიშვილმა პარლამენტში უნდა და ემოციური არგუმენტი მოიყვანა ჯიბიდან ამოღებულ ბლუჯა ფულზე და ტანში სასიამოვნოდ ყრიალზე. „როდესაც მე ქალბატობს 100-ლარიანი გავუწოდებ, მან ჯიბიდან ამოიღო ფულის

ბლუჯა! ახლაც ტანში მაყრიალებს. გეფიცებით, სიამოვნებისგან კინაღამ დავკოცნე ის ქალი“ - ემოციურად განუცხადა ბატონმა ქუმსიშვილმა პარლამენტარებს, რომლებიც მთავრობის ეკონომიკურ პოლიტიკას აკრიტიკებდნენ.

გასული წელი ალბათ პირადი ცხოვრების ამსახველი მასალების გასაჯაროების ფაქტითაც დაგვა-მასხვრდება, როდესაც ფართულად გადაღებული მასალების ინტერნეტ სივრცეში ატვირთვა მოხდა პოლიტიკოსების შანტაჟის მიზნით და

ამას საზოგადოების მძაფრი რეაქცია მოჰყვა. უფრო მეტიც, ალბათ ყველას დაამახსოვრდა პრეზიდენტის საჯარო განცხადება მდიდარი სექსუალური ცხოვრების თაობაზე.

რაც შეეხება არაპოლიტიკურ ხასიათის მომენტებს, ყველაზე ხმაურიანი და დასამახსოვრებელი იყო ბიძინა ივანიშვილის მიერ ასწლოვანი ტიტას ყიდვა და დენდროლოგიურ პარკში გადარგვა, რომლის სურათებმაც მოიარა მთელი ინტერნეტ სივრცე და რომელსაც არაერთი ხუმრობა თუ კრიტიკა მიემდგინა.

და ბოლოს, გასული წლის ყველაზე სასიამოვნო და უმნიშვნელოვანეს მოვლენად შეიძლება ჩაითვალოს ქართული დამწერლობის აღიარება მსოფლიოს მიერ. იუნესკოს გადაწყვეტილება იუნესკოს არამატერიალური მემკვიდრეობის მთავრობათაშორისმა კომიტეტმა მე-11 სესიაზე მიღებული გადაწყვეტილებით ქართული დამწერლობა მსოფლიო მემკვიდრეობის ნუსხაში შეიტანა.

გობნა პაპაშვილი

## გამყოფი ხაზის მიმდებარე სოფლებში მცხოვრებ სტუდენტებს სწავლის გადასახადი სრულად დაუფინანსდებათ

საქართველოს მთავრობის განკარგულებით, საქართველოს განათლებისა და მეცნიერების სამინისტრო საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრებ სტუდენტებს სწავლის საფასურს დაუფინანსებს.

მიმდინარე 2016-2017 სასწავლო წელს, საქართველოს განათლებისა და მეცნიერების სამინისტრო შესაბამისი მინიციპალიტეტების მიერ მოწოდებული ინფორმაციის საფუძველზე დაახლოებით 800 სტუდენტს



დააფინანსებს. სტუდენტთა ხელშეწყობა საქართველოს მთავრობის განკარგულებით

ხორციელდება და გულისხმობს საქართველოს ოკუპირებულ ტერიტორიებთან, გამყოფი ხაზის მიმდებარე სოფლებში დაზარალებული იმ სტუდენტების დაფინანსებას, რომლებიც ჩარიცხულნი არიან აკადემიური უმაღლესი განათლების ბაკალავრიატის, დიპლომირებული მედიკოსის/სტომატოლოგისა და მაგისტრატურის აკრედიტებულ საგანმანათლებლო პროგრამებზე.

პროგრამის მიზნობრივ ჯგუფს წარმოადგენენ სტუდენტები, რომელთა

ოჯახებმაც რუსეთის საოკუპაციო ძალების მიერ საქართველოს ოკუპირებულ ტერიტორიებთან გამყოფი ხაზის გადმოწევის, მავთულხლართების გავლებისა და სხვა ბარიერების აღმართვის შედეგად მიიღეს ქონებრივი ზიანი და რომლებიც სწავლობენ ბაკალავრიატის ან მაგისტრატურის აკრედიტებულ უმაღლეს საგანმანათლებლო პროგრამებზე. მნიშვნელოვანია, რომ პროგრამა 2013 წლიდან ხორციელდება და მიზანი ოკუპირებულ ტერიტორიებთან გამყოფი ხაზის

მიმდებარე სოფლებში მცხოვრებ სტუდენტების სწავლაში ხელშეწყობა და ფინანსური მხარდაჭერაა.

PS news.ge



# სოფლად ბიზნისის ხელშეწყობა - ეკონომიკური განვითარების სანიღარი

სოფლისა და სოფლის მეურნეობის განვითარება ქვეყნის ეკონომიკური განვითარების ერთ-ერთი ძირითადი პრიორიტეტია, რადგან აღნიშნულ დარგს დიდი წვლილი შეაქვს სასურსათო და ეკონომიკური უსაფრთხოების უზრუნველყოფაში. დარგის მნიშვნელობაზე ქვეყნის ეკონომიკისთვის მოწმობს ოფიციალური სტატისტიკაც: ბოლო ოთხი წლის განმავლობაში სოფლის მეურნეობაში რეგისტრირებულ საწარმოთა რაოდენობა 23%-ით, პროდუქციის გამოშვება კი 83%-ით გაიზარდა<sup>1</sup>. მიღწეულ პროგრესს უზრუნველყოფს მრავალი სახელმწიფო და არასახელმწიფო აქტორის ერთობლივი ძალისხმევა, მათ შორის იმ ბიზნეს-კომპანიებისა, რომლებიც საკუთარი კომპანიის სოციალური პასუხისმგებლობის პოლიტიკის ფარგლებში ძალისხმევას არ იშურებენ ადგილობრივი მოსახლეობის კეთილდღეობის ასამაღლებლად. ასეთი კომპანიების რიცხვს მიეკუთვნება BP, რომლის მიერ დაფინანსებული პროექტის შესახებ ჩვენს გაზეთში უკვე ვწერდით ამა წლის აგვისტოში. იმისათვის, რომ შევახსენოთ მკითხველს ძირითადი მომენტები, მოვიყვანოთ პროექტის მოკლე რეზიუმეს.



მილანი ჩინჩალაძე - სოფ. ანდრეასი, სასხოპი

„ადგილობრივი მოსახლეობის განვითარების ინიციატივა - მცირე ბიზნისის განვითარების პროექტი“, რომლის მეორე ფაზა 2015 წლის ივლისიდან დაიწყო, ინიცირებული და დაფინანსებულია BP-სა და მისი პარტნიორების მიერ საქართველოს მილსადენების კომპანიაში. პროექტის მიზანია ბაქო-სუფსის მილსადენის გასწვრივ მდებარე თემების კეთილდღეობის ამაღლება ბიზნისის წამოწყებისა და განვითარების ხელშეწყობით. პროექტის ფარგლებში გათვალისწინებულია კონკურსის საფუძველზე მცირე გრანტების გაცემა დამწყები მიკრო-ბიზნესებისთვის და ბენეფიციართა სამეწარმეო და პროფესიული უნარების განვითარება სხვადასხვა სახის ტრენინგებისა და კონსულტაციების საშუალებით. დასავლეთ საქართველოში პროექტს ახორციელებს კონსულტაციისა და ტრენინგების ცენტრი. პროექტი ხორციელდება ჰიატუსის, ზესტაფონის, თერჯოლის, ბაღდათის, ვანის, სამტრედიის, აბაშის და ლანჩხუთის მუნიციპალიტეტების 60 სოფელში. დღეისათვის წელიწადნახევარი გავიდა პროექტის დაწყების დღიდან; კარგი დროა მიღწეული შედეგების შესაფასებლად. შეიძლება ითქვას, რომ შუალედური შედეგები საკმაოდ მთავარბეჭდავად გამოიყურება:

- 3400-ზე მეტმა ადამიანმა მიიღო ინფორმაცია პროექტის შესახებ უშუალოდ განმარტაციულ გუნდისგან კარდაკარ ვიზიტების და სათემო შეხვედრების ფარგლებში. პროექტის თანამშრომლებმა მრავალჯერის მოინახულეს მიზნობრივი სოფლები, რათა მოეცვათ პოტენციურად დაინტერესებულ ადამიანთა რაც შეიძლება ფართო წრე, ინფორმაციის გავრცელების ყველა შესაბამისი არხის გამოყენებით.
- ჩატარდა 2 საგრანტო კონკურსი, რომელთა ფარგლებში სულ შემოვიდა 818 განაცხადი, რაც მოწმობს მაღალი დაინტერესების შესახებ პროექტის მიმართ.

- 239 ადამიანმა მიიღო მონაწილეობა ბიზნეს-გეგმის დაწერასთან დაკავშირებულ ტრენინგებში და 207-მა მათგანმა წარადგინა ბიზნეს-გეგმები კომპეტენტური კომისიის განსახილველად. უნდა აღინიშნოს, რომ აბსოლუტური უმეტესობისთვის ეს იყო პირველი მსგავსი გამოცდილება და კონკურსის მონაწილეებმა შეიძინეს ღირებული ცოდნა, რომლის გამოყენებას ისინი შემდგომშიც შესძლებენ.
- სულ დაფინანსდა 120 მეწარმე, მათ შორის 113 დამწყები და შვიდი პროექტის პირველ ფაზაში მხარდაჭერილი ბიზნესი. ყველა მათგანმა შეიძინა მოთხოვნილი კაპიტალური აქტივები და დაიწყო საწარმოო საქმიანობა. აღსანიშნავია, რომ პროექტის მეთოდოლოგიის მიხედვით გრანტის მიმღებებს მოეთხოვებათ სწორედ კაპიტალური და არა საბრუნავი აქტივების შექმნა - ამით იზრდება შექმნილი ბიზნესების მდგრადობა. ვინაიდან პროექტი სოფლის თემებში ხორციელდება, მხარდაჭერილი ბიზნესების უმეტესობა სოფლის მეურნეობასთან არის დაკავშირებული, თუმცა არცთუ

- მცირე რაოდენობით არის წარმოდგენილი ისეთი არასასოფლო-სამეურნეო საწარმოები, როგორცაა საცხოვრებელი, სამკერვალოები, სილამაზის სალონი და სხვ. მეწარმეთა თანამონაწილეობა შეადგენს პროექტის მთლიანი ბიუჯეტის არანაკლებ 30%-სა.
- 104 ადამიანმა გაიარა დარგობრივი ტრენინგები წარმოების ტექნოლოგიასთან დაკავშირებულ საკითხებზე, რაც განსაკუთრებით მნიშვნელოვანია მათი ბიზნისის წარმატებული განვითარებისთვის და გაფართოებისთვის. ყველა დაფინანსებულმა მიკრო-მეწარმემ გაიარა ასევე ტრენინგები საგადასახადო დაბეგვრის საკითხებზე.

განსაკუთრებით უნდა აღინიშნოს პროექტის გუნდის ძალისხმევა დაფინანსებულ მეწარმეთა ტექნიკური კომპეტენციების ამაღლებასთან დაკავშირებით. ფაქტურად ყოველი ვიზიტის დროს ეკონომიკური განვითარების სპეციალისტები ბენეფიციარებს უტარებენ მინი-სესიებს დაგეგმვაში, წარმოების ორგანიზაციასა და აღრიცხვაში, კლიენტზე ორიენტირებულობაში და ა.შ.

რა თქმა უნდა, პროექტში

ჩართულ ბენეფიციარებს ყველა აღნიშნული სერვისი მიეწოდება უსასყიდლოდ, უფრო მეტიც, გამომდინარე სოფლის მოსახლეობის მოკრძალებული ფინანსური შესაძლებლობებიდან, მათ უნაზღაურდებათ პროექტის ღონისძიებებში მონაწილეობასთან დაკავშირებული სამგზავრო ხარჯები.

პროექტის საინტერესო სიახლეს წარმოადგენს „მენტორობა“, როდესაც უფრო გამოცდილი მეწარმეები - მენტორები უზიარებენ ცოდნას დამწყებებს და პრაქტიკული რჩევებით ეხმარებიან მათ. მენტორებს ირჩევენ პროექტის ბენეფიციართა რიცხვიდან, არა მარტო კარგი საწარმოო შედეგების, არამედ შესაბამისი პიროვნული თვისებებისა და ცოდნის გაზიარების მზაობის მიხედვით. მენტორები კარგად იცნობენ ბიზნისის ადგილობრივ კონტექსტს და პრაქტიკულ ასპექტებს და დამწყებთა განსაკუთრებული ნდობით სარგებლობენ. უშუალო შეხვედრების გარდა ისინი მუდმივ სატელეფონო კავშირზე არიან ახალბედა კოლეგებთან. თავად მენტორები ამგვარად აუმჯობესებენ საკუთარ საკომუნიკაციო უნარებს და აგროვებენ სოციალურ კაპიტალს. არ არის გამორიცხული, რომ ერთ დღეს ისინი სრულფასოვანი პროფესიული კონსულტანტების სახით მოგვევლინონ.

პროექტის მენეჯერის, მარიანა ლოთიაშვილის თქმით, დამატებით ფასეულობას პროექტს ანიჭებს ის, რომ „ადგილობრივი მოსახლეობის განვითარების ინიციატივა“ მთლიანად შეესაბამება ქვეყანაში მეწარმეობის განვითარების საფუძემდებლო დოკუმენტის „საქართველოს მცირე და საშუალო მეწარმეობის განვითარების სტრატეგია 2016-2020 წლებისათვის“ შინაარსს.

როგორ აფასებენ პროექტის თავად ბენეფიციარები?

„2015 წელს გავიმარჯვე საგრანტო კონკურსში, რითაც დიდი ხნის ოცნება ავიხდინე, - ამბობს ჰიატუსის მუნიციპალიტეტის სოფელ მანდაეთის მცხოვრები მილანი ჩინჩალაძე. „BP-ის დაფინანსებით გავხსენი პურის საცხობი, რომელიც მანამდე სოფელში არ იყო და ადამიანებს მეზობელი სოფლებიდან ჩამოჰქონდათ პური. ჩემი ოჯახის წევრები მეხმარებიან საქმეში, გავიჩინა სტაბილური შემოსავლის წყარო, მყიდველიც მრავლად მყავს, სოფელიც კმაყოფილია. ვფიქრობ პურის ასორტიმენტის გაფართოებაზე, ახლახანს CTC-ს დაფინანსებით გავიარე ლავაშის ცხობის ტრენინგი და აუცილებლად გამოვიყენებ ამ ცოდნას ახლო მომავალში. მცირე ბიზნისის განვითარების პროექტის გარეშე მე ამას ვერ მოვახერხებდი და უაღრესად მაღლობელი ვარ როგორც BP-ს, ასევე კონსულტაციის და ტრენინგის ცენტრის, რომლის თანამშრომლები ყოველნაირად ხელს გვიწყობენ ჩვენი ბიზნისის განვითარებაში“.

BP-ს მიმართ მაღლიერებას გამოხატავს ასევე სამტრედიის მუნიციპალიტეტის სოფელ დაფნარის მცხოვრები ლალი ჭინჭარაული, რომელმაც აღნიშნული პროექტის ფარგლებში შეიძინა მინი-ინკუბატორი. უკვე ერთი წელია, რაც აღნიშნულ ინკუბატორში გამოჩეკილი წიწილები იყიდება სოფელში. ქალბატონი ლალი ასევე ეხმარება თანასოფელელებს საკმაოდ ხელმისაწვდომ ფასებში მისი ინკუბატორი გამოიყენონ წიწილების გამოსაჩეკად. „მაღლობას ვუხდის კომპანია BP-ს და კონსულტაციისა და ტრენინგის ცენტრს ასეთი საჭირო და სასარგებლო პროექტის განხორციელებისთვის. ვისურვებდი, რომ მსგავსი პროექტები უფრო ხშირი და ხანგრძლივი იყოს,“ - ამბობს ქალბატონი ლალი.

მინდა გამოვხატო იმედი, რომ დაცლის პირას მყოფ სოფლებში მცირე ბიზნისის განვითარება არამარტო დასაქმებას გაზრდის, არამედ შიდა მიგრაციის მაღალ ტემპსაც შეაჩერებს, რისი ძირითადი გამომწვევი მიზეზი სწორედ შემოსავლის სიმცირეა და რის გამოსწორებასაც უწყობენ ხელს მსგავსი ტიპის პროექტები.



ლალი ჭინჭარაული - სოფ. დაფნარი, მინი ინკუბატორი





# რას გვიჩადის ცეცხლოვანი მამლის წელი

## საახალწლო რჩევები

სულ მალე მაიმუნის წელს გავისტუმრებთ და ახალი 2017 წელი შემოადგება კარს, ეს დღესასწაული ყველასთვის განსაკუთრებულად საყვარელია და შესაბამისად, სამზადისიც გამორცეულად აქტიური და მასობრივია. ახალ წელს მოაქვს მხოლოდ მხიარული განწყობა, ბევრი საჩუქარი და გემრიელი სადღესასწაულო სუფრა. ის, თუ როგორ შეხვდებით ახალ წელს, განსაზღვრავს იმას, თუ როგორი წელი გვექნება მთელი 12 თვის განმავლობაში. მომავალი 2017 წელი აღმოსავლური ჰოროსკოპის მიხედვით, ცეცხლოვანი მამალია. ყველას ერთნაირად აინტერესებს, როგორი იქნება ცეცხლოვანი მამლის წელი, როგორ შეხვდეთ მას, როგორ მოგვითხოვს ახალი თუ ნაძვის ხესწორედ ამის შესახებ გთავაზობთ საინტერესო რჩევებს.

### როგორი იქნება ცეცხლოვანი მამლის წელი?

მამალი მზეს ხვდება. მის ყვივლზე მაჯ ლაჯუნები ქრებიან. აქედან გამომდინარე, დადებითი სიმბოლოა. წელიწადი, რომელსაც მამალი მართავს, ძალიან კარგი იქნება. დიდი და რთული ციკლის დასასრულს და აღმშენებლობითი პროცესების დასაწყისს უკავშირდება მამლის წელი. ისტორიაშიც ბევრი კარგი მოვლენა მოხდა. მაგალითად, მამლის წელში დასრულდა მეორე მსოფლიო ომი. ჰკვიანი, აქტიური და ლიდერის სხვა თვისებებით დაჯილდოებული ბავშვები დაიბადებინ ამ წელს. მამლის ცული თვისება მისი ყოყლოჩინობაა. ეს აისახება ღია დაპირსპირებებში როგორც პოლიტიკაში, ისე საზოგადოებაში. წყვილებს შორის ხმაურიანი განქორწინებების მოწმენი გავხვდებით. კარგი იქნება, თუ შევიძინებთ თუნდაც გასაღების საკიდს მამლის გამოსახულებით, რომელიც მუდმივად ჩვენს გასაღებზე მოთავსდება და წარმატების მომტანი იქნება. გალერეაშიც უამრავი აქსესუარი შევნიშნე მამლის გამოსახულებით.

### ზოდიაქოს რომელი ნიშნებისთვის იქნება 2017 წელი კარგი?

ყველა ზოდიაქოს ნიშნისთვის კარგი წელია. წარმატების მიღწევის შანსი ყველას ექნება. თუმცა ადამიანებს, რომლებიც მშრომელები არ არიან, თვითმოთხოვნა და თვითკრიტიკა არ გააჩნიათ, რეალურად ვერ გაუმართლებთ. იმ ადამიანების წელია, ვინც 2017 წელამდე მუხრჩაუბრელად შრომობდა და სწორედ ახლა მიიღებენ ამ შრომის შედეგს. განსაკუთ-

რებით კარგი წელია კურობებისთვის, ლომებისა და ვერძებისთვის. აბსოლუტურად ნეგატიური წელი არც ერთი ნიშნისთვის იქნება. თუმცა შედარებით მეტი პრობლემა მშვილდოსნებსა და თხის რქებს ექნებათ.

### სად და როგორ სჯობს ახალი წლის შეხვედრა?

ზოგადად, მამალი სოციალური ტიპაა. მას მართობა არ უყვარს. არ გირჩევთ, მარტო და ვიწრო წრეში შეხვდეთ ახალ წელს. კარგი იქნება, თუ ოჯახის წევრებთან და ახლო მეგობრებთან ერთად იქნებით. მაგრამ ახალ ნაცნობებსა და ახალშეძენილ მეგობრებს არ გირჩევთ, რადგან მამალი გარემოს ყოველთვის დაკვირვებით არჩევს ხოლმე. რეკომენდირებულია ახალ წელს სახლში, ოჯახურ წრეში შეხვდეთ. 2017 წლის მფარველი უპირატესობას ოჯახურ ტრადიციებს ანიჭებს. ხმაურიანი მეგობრული კომპანია და მჭიდრო ოჯახური კავშირები აღმოსავლეთ ჰოროსკოპის ემოციურ სიმბოლოს მოეწონება. ბევრი ფოიერვერკი და მუსიკა უნდა იყოს. მომავალი წლის სიმბოლო ცეცხლისფერი მამალია.

### რა ჩავიცვამთ ახალ 2017 წელს?

2017 წლის შესახებ დარად საუკეთესო ფერების გამა მოოქროსფრო წითელია. არ ჩაიცვათ დეკოლტე და გამჭვირვალე ქსოვილი - ასეთ ფორმაში მამლის ყურადღებას ვერ მიიპყრობთ. ქალის იმიჯი უნდა შედგებოდეს კოქტეილის კაბით წითელი, ყვითელი ან პასტელური ოქროსფერი ფერებით და მალაქუსლიანი ფეხსაცმლით,

რომელიც ვიზუალურად აგრძელებს ფეხებს. ასევე აქსესუარები ძირითად ფერებში. საუკეთესო დამატება იქნება ოქროს სამკაული ან მარგალიტი. მამაკაცებს შეუძლიათ, არც ისე ფორმალური ჩაცმულობით შეხვდნენ. მკაცრი კოსტუმის კომფორტის დონეს შეამცირობს, მაგრამ ახალი წლის შეხვედრა ყოველდღიურ ან სახლის ტანსაცმლით შეხვედრა მამლის თვალში ამორალურად გამოჩნდება.

### როგორ მოვრთოთ სახლი და ნაძვის ხე?

სახლის მორთვის დროს აუცილებლად უნდა გაითვალისწინოთ მამლის საყვარელი ფერების გამა. თუმცა სახლის მოსართავად დაშვებულია მხოლოდ მწვანე და ლურჯი ფერები, რომელიც წითელი ფერთან ერთად სადღესასწაულო განწყობას შექმნის. გამოიყენეთ ბუნებრივი მასალებისგან დამზადებული ორნამენტები. ცეცხლისფერი მამალი ხელოვნური ხის მომხრეა.

განწყობის შესაქმნელად გამოიყენეთ რბილი მოსაცმელები, რომელიც ზამთრის ცივი დღეების კარგი კომბინაცია იქნება. საუკეთესო დეტალი საღამოს გასაფორმებლად იქნება მწიფე წითელი ვაშლები. საშობაო ვარსკვლავის ნაცვლად შეგიძლიათ გამოიყენოთ მამლის ფიგურა. სასურველია, თუ ნაძვის ხის სათამაშოები წითელი და ნარინჯისფერი იქნება. ნაძვის ხის თავზე მამლის ფიგურა მოათავსეთ. კარგია, თუ ბევრი დეკორატიული კვერცი გექნებათ. კვერცხებით უნდა მოვრთოთ ნაძვის ხე და მის ქვეშაც შემოვაწყოთ.

### როგორ უნდა შეხვდეთ ცეცხლოვანი მამლის წელს? როგორი უნდა იყოს საახალწლო სუფრა?

ყველაზე მთავარია, რომ სუფრაზე ფრინველის ხორცი არ გვექონდეს. სუფრა წითელ და ნარინჯისფერ ფერებში უნდა გავაწყოთ. უმჯობესია ცხვრის, ძროხის ან ღორის ხორცისგან მოამზადოთ კერძები. მენიუდან გამოიცილოთ: იხვი, ინდაური, მწყერი. საახალწლო სუფრის მოსართავად კვერცხის გამოყენება რეკომენდირებული არაა. 2017 წელს სუფრას უნდა ამშვენებდეს რაც შეიძლება მეტი ბოსტნეული. არ უნდა დაივიწყოთ არც ხილი. გამოიყენეთ ღია ფერის საახალწლო ჭურჭელი. სინთეტიკისა და პლასტიკისგან თავი შეიკავეთ. გარემო ბრწყინვალე და მიდრღული უნდა იყოს. ფანტაზიას მაქსიმალურად უნდა მიეცეთ გასაქანი. როგორი ფერადიც მამლის ბოლოა, ისეთივე უნდა იყოს გარემო და იმავე ფერებში უნდა გვეცვას ჩვენც. ბევრი აქსესუარის გამოყენებაც სასურველია. ზოგადად, წითელი მთელი წლის განმავლობაში ტრენდული იქნება.

